

Forskrift om spreing av husdyrgjødsel, Voss kommune, Hordaland

Heimel: Fastsett av Voss heradsstyre ... 2021 med heimel i lov 12. mai 1995 nr. 23 om jord (jordlova) § 3 og § 11 første ledd, jf. forskrift 4. juli 2003 nr. 951 om gjødselvarer mv. av organisk opphav § 23 tredje ledd.

§ 1. Føremål

Føremålet med kommunal gjødsselforskrift er å tilpassa lokal praksis og vilkår for spreing av husdyrgjødsel og silopressaft med vidare, til skiftande vêr- og veksttilhøve i heradet. *Forskrifta skal sikra at gjødselvarane, jf. intensjonane i nasjonal gjødselvarereforskrift, vert nytta best mogeleg til planteproduksjon, utan at det fører til ureining.*

jamfør forskrift 4. juli 2003 nr. 951 om gjødselvarer mv. av organisk opphav § 23

§ 2. Verkeområde

Forskrifta omhandlar alt jordbruksareal i Voss herad godkjent for spreing av *gjødselvarer mv. av organisk opphav*.

§ 3. Spreietidspunkt

I perioden frå 1. november til og med 15. februar er det ikkje høve til å spreia gjødselvarer av organisk opphav. Det er ikkje på noko tidspunkt høve til å spreia gjødselvarer av organisk opphav på snødekt eller frosen mark.

Det er tillate å spreia gjødselvarer av organisk opphav i vekstsesongen fram til og med 1. oktober, med unntak:

- Jordbruksareal i tilknytning til vassdrag med stor eller middels påverkningsgrad frå jordbruk, eller i tilknytning til vassdrag med stor risiko for redusert vasskvalitet, eller på flaumutsett areal. For desse areala gjeld siste spreiedato 1. september.
- På jordbruksareal i tilknytning til vassdrag med stor eller middels påverkningsgrad frå jordbruk, eller i tilknytning til vassdrag med stor risiko for redusert vasskvalitet, eller på flaumutsett areal er det heller ikkje høve til spreing med nedmolding/nedfelling etter 1. september.

I perioden frå siste spreiedato og fram til 1. november kan ein elles unntaksvis spreia gjødselvarer av organisk opphav under spesielt gunstige omstende og vêrtilhøve. Kravet er at gjødsla vert pløgt ned innan 18 timar etter spreing.

§ 4. Spreiereglar

For all spreing av gjødselvarer av organisk opphav utan nedmolding/nedfelling på eng, etter 1. september, gjeld at ein maksimalt kan spreia 2 m³ pr. dekar, og at ein mot vatn, elv, bekkar, kanalar og opne kummar set att ei sone på minst 6 meter som ikkje vert gjødsla. Ved lagring, uttransport og spreing skal det utvisast aktsemd når det gjeld vêrtilhøve (t.d. mykje regn og vassmetting av jorda), jordsmonn (t.d. myr og jord med lita evne til å binda næringsemne bør unngåast) og flaumrisiko. *Typisk flaumutsett areal skal ikkje gjødslast etter 1. september.*

§ 5. Delegering

Rådmannen vert delegert mynde til å gjere vedtak knytt til denne forskrifta.

§ 6. Klage

Vedtak gjort av kommunen etter forskrift om gjødselvarer mv. av organisk opphav kan påklagast til fylkesmannen.

§ 7. Ikraftsetting

Denne forskrifta trer i kraft frå vedtaksdato.